



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De anno Residenti[a]e 136

urn:nbn:de:hbz:466:1-34315

Iam verò cum in Collegiis non tantum veri ministri Ecclesiæ futuri sint, quorum iam paucissimos habent, sed Collegia partim scholæ quæ & Pædagogia esse debeant honestorum iuuenum, qui deinceps Ecclesiæ Christi vel in Ecclesiastico vel in aliis muneribus tanto melius inferuire possint. Deinde cum constet Collegia plurimis & amplissimis donis à Nobilibus dotata esse, æquitas sanè postulat, ut hac in parte Nobilibus sua prærogatiua concedatur. Ad hæc, cum alioquin Deus nobiles potius quàm vulgares ciues ad hoc destinauerit, ut cæteris auctoritate & dignitate præcant & antecellant, sicut res ipsa testatur, neque hac ratione malè seruitur Ecclesiæ Dei, si tales viæ inueniantur, quibus illi præ cæteris ad pietatem, ad omnem scientiam bonæque studia, singulari diligentia educantur. Tertio cum inter nobiles, ij qui maiori timore Dei præditi sunt, singulariter honestam & vtilem disciplinam præ vulgaribus plebeisque hominibus inter suos conferunt, spes quoque est ex istorum numero non paucos excellentes viros & ad omnis generis Ecclesiastica ministeria aptissimos educari posse; magis quàm ex his, qui in tali disciplina, nec nati nec à iuuentute educati sunt. Nulla igitur Aduersariis causa subest, ut propositam Collegiorum distributionem hac in parte multum suggillent. Semper enim hoc excipit Liber, ut in omni Electione ad munera ministeriæque Ecclesiastica primum omnium ad potentiam ac vim spiritualem, Ecclesias Dei quàm optimè ædificandi respiciatur.

De Thesauris Collegiorum.

CAP. CXXXV.

DECIMOTERTIO, Cum Liber ordinat, ut argentea, & aurea, aliæque preciosa vasa, atque ornamenta Collegiorum per totam diœcesim annotentur, & diligenter conscribantur, nec quicquam de eis alienetur à suis Ecclesiis, vel mutetur in alium usum, sine nostro & prouincialium nostrorum legitimo consensu; de hoc tanquam de nouatione queruntur Aduersarij: propterea quod prouinciales hæcenus Ecclesiarum Thesauris non immiscuerint.

At non ignorant Aduersarij, Ecclesiam Christi & horum & aliorum bonorum omnium veram dominam esse ac possessorem. Merito igitur ea non sine præcipuorum maximèque publicorum membrorum eius ministrorum & antistitum ordinatione mutari debent. Personæ Collegiorum nullam aliam potestatem habent quàm ea custodiendi, Ministri enim sunt Ecclesiæ Christi, non Domini.

De anno Residentiæ.

CAP. CXXXVI.

DECIMOQVARTO reprehendunt traditam à nobis Anni Residentiæ moderationem, cuius mentionem fecit liber. Scribunt eam magnâ dissolutionem

dissolutionem parituram, effecturamque vt pauci admodum in Collegiis inueniantur, qui officij sui rationem habeant, aut fortè quale sit intelligant: nec in collegiis aliud statui posse, quàm vt cæteris paribus omnes ad paria onera alligentur.

Hic rursus exierit se impudentia Aduersariorum, in reprehendis ac suggillandis omnibus, quæ à nobis optime traduntur. Proposuimus in libro Reformationem Christianam manifeste prohibiti abusus Annorum carentiæ, quò fit, vt sæpenuerò qui ad ministerium Ecclesiæ necessarij, idonei ac spontanei sunt, præbendis suis nisi post certum annorum numerum, frui nequeant. Item inanis ac frustraneæ obstrictionis ad residentiam primi anni, qua coguntur singulis noctibus apud Collegium & singulis horis præsentem esse, cum millies meliora interim facere deberent & possent.

Has duas constitutiones præcipimus temperari, prout vniuscuiusque loci & personarum conditio, verâque Ecclesiarum ædificatio & trætterna charitas postulet.

Quid iam in eo peccatum est? Et quam quæso dissolutionem parit, vel quomodo efficiet, vt pauci in collegiis inueniantur, qui officij sui rationem habeant, aut quale id sit intelligant? Quicquid ad normam veræ ædificationis & fraternæ charitatis temperatur, necesse vt omnia bona, nihil omnino mali apportet. Quid obsecro iuuat Ecclesias & collegia, quod aliquis primo tantum anno tam strenuè apud Collegium adesse tenetur, eodem verò elapso permittitur illi per omnem vitam suam vel adesse vel abesse pro animi sui arbitrio ac voluntate: vt interdum præbendam suam promereri possit, si tantummodo de quibusdam horis, nonnunquam ad vnum tantum hynnium in Choro compareat?

Nos veram & ædificantem residentiam postulamus, quæ non vno tantum anno sed perpetuo duret. Aduersarij verò omnia ad inanem obstrictionem & frustraneam externam speciem dirigunt. Debent sanè omnes personæ in omnibus collegiis paria onera portare, prout ad ædificationem Ecclesiæ conducit, & ab illis fieri potest. Aliàs debet ea æqualitas membrorum vnius corporis obseruari, quam præscribit Spiritus sanctus: & quoniam non omnes æqualium virium sunt, neque etiam ad æqualia adhiberi debent: quemadmodum omnes antiqui Canones sanctorum Patrum de vera communione Christiana docent.

De libera ac simplici recusatione Aduersariorum Christianæ ordinationis ac reformationis.

CAP. CXXXVII.



LIQVOTIES ponunt Aduersarij in hoc articulo, Verū in hoc non parebitur. Per hoc Collegia grauari se querentur, nec